



XUNTA DE GALICIA

CONSELLERÍA DE ECONOMÍA,
EMPREGO E INDUSTRIA
Dirección Xeral de Enerxía e Minas

Edificio Advo. San
Caetano, s/n
bloque 5 – 4ª planta
15781 Santiago de
Compostela

CONVENIO DE COLABORACIÓN ENTRE A CONSELLERÍA DE ECONOMÍA, EMPREGO E INDUSTRIA E A ASOCIACIÓN GALLEGA DE ORGANISMOS DE CONTROL AUTORIZADOS “ASGOCA” PARA O DESENVOLVEMENTO DUNHA CAMPAÑA DE DIFUSIÓN E CONCIENCIACIÓN SOBRE SEGURIDADE INDUSTRIAL EN GALICIA.

En Santiago de Compostela, a 22 de abril de 2019

REÚNENSE

O conselleiro de Economía, Emprego e Industria, Francisco Conde López, nomeado polo Decreto 148/2016, de 13 de novembro, que actúa no exercicio do seu cargo e en función das atribucións que lle confire o artigo 34 da Lei 1/1983, do 22 de febreiro, reguladora da Xunta de Galicia e da súa presidencia.

..., presidenta da Asociación Gallega de Organismos de Control Autorizados “ASGOCA”, elixida mediante acordo da Asemblea Xeral Ordinaria do día 21 de xullo de 2017 e coas facultades para a sinatura deste convenio en virtude dos estatutos de dita asociación.

As partes recoñécense mutua e respectivamente a capacidade suficiente para asinar este convenio de colaboración.

EXPOÑEN

PRIMEIRO.- Que a Consellería de Economía, Emprego e Industria ten atribuídas competencias no ámbito da seguridade industrial, segundo o recollido no Decreto 135/2017, de 28 de decembro, polo que se establece a estrutura orgánica da devandita consellería.

SEGUNDO.- Que ASGOCA é unha asociación sen ánimo de lucro no sector das empresas legalmente habilitadas para a verificación do cumprimento das condicións de seguridade de produtos e instalacións industriais, establecidas polos regulamentos de seguridade industrial, que goza de plena personalidade xurídica e capacidade para obrar no cumprimento dos seus fins.

ASGOCA é a única asociación empresarial que aglutina os organismos de control autorizados en Galicia, motivo polo cal, a gran maioría dos organismos de control que operan na nosa Comunidade Autónoma están asociados a dita asociación.

Tal e como se establece nos seus estatutos, ASGOCA ten como fin fundamental coordinar e colaborar coa Administración nas tarefas de control regulamentario no campo da seguridade industrial, garantindo o maior grado de homoxeneidade e



profesionalidade nas actuacións dos seus membros, realizando un control de ditas actuacións e representando e defendendo os intereses comúns destes organismos.

TERCEIRO.- O cumprimento dos regulamentos de seguridade industrial é fundamental para garantir a seguridade das instalacións afectadas, e polo tanto a seguridade das persoas que as usan. Para acadar un maior grao de cumprimento deses regulamentos, que redunde nun incremento da seguridade das persoas, faise necesario realizar unha campaña de difusión e concienciación da importancia da seguridade industrial entre as empresas e poboación afectada.

CUARTO.- Que na Lei de orzamentos xerais da Comunidade Autónoma de Galicia para o ano 2019 figura a aplicación orzamentaria 09.20.732A.776.1 “Convenio ASGOCA importancia seguridade industrial”.

CLÁUSULAS

PRIMEIRA.- OBXECTO

O presente convenio ten como obxecto determinar o marco de colaboración entre a Consellería de Economía, Emprego e Industria e “ASGOCA” para o desenvolvemento dunha campaña de difusión e concienciación sobre seguridade industrial en Galicia, co obxectivo de sensibilizar sobre a importancia da seguridade industrial e divulgar as obrigas dos titulares de instalacións suxeitas a regulamentos de seguridade industrial para garantir a súa seguridade.

SEGUNDA.-OBRIGAS DO BENEFICIARIO

ASGOCA, como beneficiario, levará a cabo as actuacións obxecto do convenio.

Así mesmo deberá cumprir cos seguintes requisitos ou obrigas:

1. Destinar o importe do financiamento do presente convenio ao obxecto e finalidade que se contén no mesmo.
2. Comunicar á Consellería de Economía, Emprego e Industria a obtención de subvencións e axudas para a mesma finalidade que a do presente convenio, procedentes de calquera outra Administración Pública ou de entes públicos ou privados, nacionais ou internacionais.
3. Achegar os informes e documentos que acrediten o desenvolvemento das actividades do presente convenio, así como os informes e demais documentos requiridos pola Consellería de Economía, Emprego e Industria.



4. Dar a adecuada publicidade do carácter publico do financiamento en todas as actuacións que deriven da execución destas actuacións, en cumprimento do artigo 15.3º da Lei 9/2007, de subvencións de Galicia.
5. De acordo co artigo 37 apartado 2.g) do Decreto 11/2009, do 8 de xaneiro, polo que se aproba o regulamento da Lei de Subvencións de Galicia, ASGOCA está obrigada a facilitar toda a información que lle sexa requirida pola Intervención Xeral da Comunidade Autónoma, polo Tribunal de Contas e polo Consello de Contas no exercicio das súas funcións de fiscalización e control do destino das subvencións.
6. ASGOCA procederá ao reintegro, total ou parcial, dos fondos percibidos máis os xuros de mora devengados dende o momento da concesión ata o de reintegro, no suposto de incumprimento das condicións establecidas para a súa concesión, nos casos previstos no Título II da Lei 9/2007, de subvencións de Galicia.
7. Seguir as normas sobre protección de datos, concretamente a Lei Orgánica 3/2018, de 5 de decembro, de Protección de Datos Persoais e garantía dos dereitos dixitais e as normas que a desenvolven.
8. Acreditar ante a Consellería de Economía, Emprego e Industria, con anterioridade a sinatura do presente convenio, que se atopan ao corrente das obrigas tributarias e da seguridade social.
9. Cumprir co resto dos requisitos e das obrigas recollidas no artigo 11º da Lei 9/2007 do 13 de xuño de subvencións de Galicia.
10. ASGOCA desenvolverá unha campaña de difusión e concienciación sobre seguridade industrial en Galicia.

En todo caso, de acordo co artigo 43.3 do Decreto 11/2009, do 8 de xaneiro, polo que se aproba a Regulamento da Lei 9/2007 , do 13 de xuño, de subvencións de Galicia, a Consellería de Economía, Emprego e Industria poderá comprobar, dentro do período de prescrición, o custo así como o valor de mercado das actividades subcontratadas.

TERCEIRA.- OBRIGAS DA CONSELLERÍA DE ECONOMÍA, EMPREGO E INDUSTRIA.

A Consellería de Economía, Emprego e Industria, por medio da Dirección Xeral de Enerxía e Minas, achegará a ASGOCA, na súa calidade de beneficiario e en función do orzamento sinalado, a cantidade de CORENTA MIL EUROS (40.000,00 €) con cargo á partida orzamentaria 09.20.732A.776.1 “Convenio ASGOCA importancia seguridade industrial” da devandita Consellería, ao levar a cabo as actuacións obxecto do convenio.

A distribución do orzamento é a seguinte:



PARTIDAS	IMPORTE (€)
Presentación de campaña	1.060
Xornadas de sensibilización	6.720
Materiais de sensibilización	19.740
Campaña de comunicación en medios	12.480
TOTAL	40.000,00

- **Presentación de campaña:** desenvolvemento dunha xornada de presentación da campaña co fin de dar a coñecer os seus obxectivos.
- **Xornadas de sensibilización:** desenvolvemento de xornadas de sensibilización nas que se poña de manifesto as obrigas en materia de seguridade industrial dos titulares de instalacións sometidas a regulamentos de seguridade industrial.
- **Materiais de sensibilización:** creación e difusión de distintos materiais gráficos e visuais para a sensibilización na importancia da seguridade industrial. Inclúe:
 - Imaxe corporativa: deseño dunha imaxe corporativa ligada á seguridade industrial que contribúa á súa visión en positivo. A imaxe deseñada será propiedade da Xunta de Galicia.
 - Vídeo divulgativo: creación e difusión dun vídeo de sensibilización sobre a importancia da seguridade industrial. O vídeo creado será propiedade da Xunta de Galicia.
 - Contidos web: desenvolvemento dos contidos que debe ter unha páxina web informativa sobre as obrigas en materia de seguridade industrial. Os contidos serán entregados en formato word compatible ou similar, non sendo obxecto deste convenio a programación ou deseño da páxina web que os conteña.
 - Mailing de sensibilización: mailing de escritos dirixidos a titulares de instalacións sometidas a regulamentos de seguridade industrial nos que se lles lembre as obrigas que teñen nesta materia.
 - Material promocional: creación, emisión, difusión e envío de carteis, folletos ou similares, relacionados coa sensibilización na seguridade industrial.
- **Campaña de comunicación en medios:** campaña de sensibilización na importancia da seguridade industrial nos distintos medios de comunicación existentes, tanto físicos como dixitais, incluídas as redes sociais.



Calquera modificación das cláusulas do presente convenio deberá ser solicitada á consellería, quen decidirá sobre a súa procedencia, e no caso de aceptarse se levará a cabo á súa formalización mediante a correspondente “addenda”, consonte ao artigo 35 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

Sen prexuízo do anterior e sen necesidade de instar procedemento de modificación de subvención, poderanse aceptar variacións nas partidas de gasto do proxecto subvencionado coa limitación do 25 % sempre que non aumente o importe total do gasto aprobado e que non se desvirtúen as características do proxecto.

No caso de que o investimento realizado teña un custo inferior ao inicialmente previsto e sempre que isto non supoña unha realización deficiente da totalidade do proxecto, a contía da subvención reducirase proporcionalmente, manténdose constante a porcentaxe da axuda respecto ao custo total do investimento.

CUARTA.- GASTOS SUBVENCIONABLES

Consideraranse os seguintes conceptos subvencionables ao abeiro deste convenio:

- a. **Materiais:** adquisición de materiais, compoñentes precisos, subministros e produtos similares para a realización das actuacións deste convenio, entre os que se poden encontrar sobres, selos, cartuchos e toners de impresora, etc.
- b. **Publicidade:** gastos de inxerir publicidade relacionada coa sensibilización na seguridade industrial nos distintos medios de comunicación existentes, tanto físicos como dixitais, incluídas as redes sociais.
- c. **Materiais promocionais:** gastos de creación, emisión, difusión e envío de carteis, folletos ou similares, relacionados coa sensibilización na seguridade industrial.
- d. **Vídeos:** gastos de creación, emisión e difusión de vídeos relacionados coa sensibilización na seguridade industrial.
- e. **Xornadas informativas:** gastos de organización e execución de xornadas informativas sobre a seguridade industrial, incluíndo o aluguer de salas, catering, gastos de poñentes, etc
- f. **Contidos web:** gastos de creación de contidos web relacionados coa sensibilización na seguridade industrial.
- g. **Imaxe corporativa:** gastos de creación dunha imaxe corporativa relacionada coa sensibilización na seguridade industrial.
- h. **Mailing:** gastos de mailing de escritos sobre sensibilización en seguridade industrial.



Os tributos serán considerados gastos subvencionables cando o beneficiario os aboa efectivamente consonte ao establecido no artigo 29.8 da Lei 9/2007, de 13 de xuño, de subvencións de Galicia. En concreto, o imposto sobre o valor engadido (IVE) poderase considerar gasto subvencionable cando a entidade beneficiaria acredite mediante a correspondente certificación que se encontra acollida ao réxime de exención do IVE.

Considéranse gastos subvencionables os comprendidos entre o 1 de xaneiro de 2019 e o 30 de novembro de 2019.

QUINTA.- SUBCONTRATACIÓN E OS SEUS LÍMITES.

A subcontratación dos servizos necesarios para acometer as actividades a desenvolver ao abeiro do presente convenio poderá acadar ata o 100 % das mesmas, e realizarase de acordo aos límites e obrigas establecidos no artigo 27 da Lei 9/2007, de 13 de xuño, de subvencións de Galicia e no artigo 43 do seu regulamento. En todo caso, a Consellería de Economía, Emprego e Industria poderá comprobar, dentro do período de prescrición, o custo así como o valor de mercado das actividades subcontratadas.

De conformidade co apartado 3 do artigo 27 da Lei 9/2007, de 13 de xuño, cando a actividade concertada exceda do 20 % do importe da subvención e o dito importe sexa superior a 60.000 € a subcontratación deberá cumprir os requisitos seguintes:

- que o contrato se celebre por escrito.
- que a celebración do mesmo se autorice previamente pola Consellería de Economía, Emprego e Industria.

SEXTA.- VIXENCIA.

Este convenio entrara en vigor ao día seguinte da súa sinatura e estenderá a súa vixencia ata o 31 de decembro de 2019.

Admitiranse actividades do presente convenio anteriores a súa sinatura levadas a cabo dende o 1 de xaneiro de 2019.

SÉTIMA.- PAGAMENTO

De acordo co establecido no artigo 63 do Decreto 11/2009, de 8 de xaneiro, polo que se aproba o regulamento da Lei 9/2007, de 13 de xuño, de subvencións de Galicia, poderase realizar un pagamento anticipado de ata un 50% da subvención concedida, con carácter previo á xustificación, como financiamento necesario para poder levar a cabo as actuacións inherentes á subvención. A concesión do anticipo realizarase mediante resolución motivada, previa solicitude do beneficiario.



No caso de que o pagamento do anticipo supere os 18.000 euros, o beneficiario deberá constituír a correspondente garantía, nos termos establecidos no artigo 67 do Decreto 11/2009, de 8 de xaneiro.

O pagamento do importe restante do anticipado realizarase unha vez xustificada a realización das actuacións obxecto do convenio.

OITAVA.- COMPATIBILIDADE CON OUTRAS AXUDAS

Consonte ao establecido no artigo 37º do Decreto 11/2009 que establece o Regulamento que desenvolve a Lei 9/2007 de subvencións de Galicia, establécese a compatibilidade da axuda concedida neste convenio con calquera outra destinada ao mesmo fin, calquera que sexa a súa natureza e a entidade que a conceda sempre que, conxuntamente, non superen o custo da actividade subvencionada.

Asemade, de acordo co establecido no artigo 11º, apartado d) da Lei 9/2007 de subvencións de Galicia os beneficiarios deberán cumprir coa obriga de comunicar á Dirección Xeral de Enerxía e Minas cantas axudas, subvencións, ingresos ou recursos sexan obtidas para financiar adicionalmente estas mesmas actividades.

NOVENA.- PRAZO E FORMA DE XUSTIFICACIÓN

A data limite para a presentación da correspondente xustificación da realización das actividades do presente convenio será o 30 de novembro de 2019. Admitiranse os xustificantes de gastos realizados dende o 1 de xaneiro de 2019 ata o 30 de novembro de 2019.

A xustificación da subvención por parte dos beneficiarios realizarase mediante a achega da seguinte documentación:

- A. Certificación do órgano que teña atribuídas as facultades de control da toma de razón en contabilidade do cumprimento da finalidade do convenio e da aplicación dos fondos destinados para tal efecto.
- B. Declaración responsable do rendemento da conta xustificativa segundo o modelo recollido no Anexo I do presente convenio que inclúa o seguinte:
 - 1. Unha Memoria de Actuación xustificativa do cumprimento das actividades obxecto do convenio. Presentarase un informe final detallado con indicación do grao de cumprimento respecto ao planificado e os resultados obtidos. En todo caso, achegarase un exemplar de calquera entregable, material gráfico, folleto ou vídeo que se obteña no desenvolvemento da actividade.
 - 2. Unha Memoria Económica xustificativa do custo das actividades realizadas que conterà:



- a. Unha relación dos gastos e investimentos clasificados por partida orzamentaria, con identificación do acredor e do documento, o seu importe, data de emisión e data de pago e partida orzamentaria á que corresponde. Esta táboa virá asinada e selada polo responsable da entidade.
- b. Orixinais ou fotocopias compulsadas dos documentos acreditativos do investimento ou actuación consistentes en facturas dos provedores ou documentos de valor probatorio equivalente.

As facturas e xustificantes de gasto deberán reunir os seguintes requisitos, de acordo co establecido no Real Decreto 1619/2012 relativo ás obrigacións de facturación:

- Deberá poder identificarse de forma clara o número da factura e a súa data de emisión.
- Deberá identificarse correctamente tanto o destinatario dos bens ou servizos como o obrigado a expedir a factura, incluíndo as súas correspondentes razóns ou denominacións sociais, números de identificación fiscal e domicilio.
- O concepto da factura deberá ser claro e relacionado coa actividade subvencionada, describindo as operacións e a data de realización das mesmas.
- No caso das subcontratacións o documento xustificativo ou factura deberá facer referencia á actividade ou tarefas subcontratadas no marco do proxecto en cuestión.
- Deberá poderse identificar o tipo impositivo ou tipos impositivos aplicados ás operacións.
- Finalmente, deberá poderse identificar a cota tributaria repercutida, que deberá consignarse por separado.

En calquera caso, o importe xustificado de cada factura será o valor total da mesma sen IVE. Para poder incluír o IVE como gasto financiable, o beneficiario deberá presentar o correspondente certificado de estar exento do pago do IVE.

Se as facturas están en idioma distinto do galego ou español, deberase achegar tradución da descrición do servizo, subministración ou outro tipo de gasto que corresponda, debéndose axustar as facturas aos requisitos que esixa a lexislación de cada país estranxeiro.

- c. Orixinal ou copia compulsada da documentación bancaria dos pagamentos (excepción feita daqueles documentos dos que a empresa non custodia orixinais –cheques–). Presentarase adxunto a cada documento de gasto o seu correspondente documento de pagamento e o extracto bancario onde figure o cargo correspondente.



No caso de que exista un mesmo documento de pagamento para varios documentos de gasto, deberase fotocopiar o documento de pagamento tantas veces como documentos de gasto aos que faga referencia, e achegarse a cada un dos documentos de gasto unha copia do devandito documento de pagamento.

Non se admiten os pagamentos en efectivo.

Os xustificantes bancarios de pagamento deben coincidir exactamente co importe da factura, IVE incluído. No caso de que o importe reflectido no documento bancario non coincida co importe do documento de gasto (pagamento agrupado), deberase remitir un desglose dos pagamentos efectuados xunto cos documentos de gasto, onde se poida identificar o gasto en cuestión.

C. Xustificante das axudas obtidas ou declaración das solicitadas ou que se prevé obter para o mesmo investimento en calquera outra administración, entes públicos ou privados, nacionais ou internacionais; indicando a súa contía.

D. Copia compulsada do último recibo do IAE, cando o beneficiario deba estar dado de alta no imposto de actividades económicas. No caso de que o beneficiario fose suxeito pasivo do IAE pero estivese exento do pago deste tributo, aportará declaración responsable na que se fagan constar tales circunstancias. Por último cando o beneficiario non estea suxeito á citada obriga tributaria aportará declaración responsable na que figure que non está suxeito a dito imposto.

E. Certificado relativo á situación do beneficiario con respecto ao imposto sobre o valor engadido (IVE).

F. Certificados acreditativos de estar ao corrente nas obrigas tributarias e coa Seguridade Social e de non ter pendente ningunha débeda, por ningún concepto, coa Administración pública da Comunidade Autónoma.

A Consellería de Economía, Emprego e Industria resérvase o dereito de solicitar toda a documentación que considere precisa, en relación coa xustificación do cumprimento do obxecto do convenio.

DÉCIMA.- CONTROL

A Consellería de Economía, Emprego e Industria poderá levar a cabo as actividades de inspección que considere oportunas para controlar o cumprimento da subvención.

De acordo co artigo 30.1 da Lei 9/2007 do 13 de xuño de subvencións de Galicia, a Consellería de Economía, Emprego e Industria comprobará a adecuada xustificación da subvención, así como a realización da actividade e o cumprimento da finalidade que determinen a concesión ou disfrute da subvención. En todo caso, de acordo co artigo 43.3 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, a Consellería de Economía, Emprego



e Industria poderá comprobar, dentro do período de prescrición, o custo así como o valor de mercado das actividades subcontratadas.

Alén do anterior, as subvencións estarán sometidas á función interventora e de control financeiro exercido pola Intervención Xeral da Comunidade Autónoma, nos termos que establece o título III da Lei 9/2007, do 13 de xuño de subvencións de Galicia. Así mesmo, estará sometida ás actuacións de comprobación previstas na lexislación do Tribunal de Contas e do Consello de Contas, e á obriga de facilitar toda a información que estas lle requiran consonte ao artigo 40.1.h) do Decreto 11/2009 do 8 de xaneiro.

DÉCIMO PRIMEIRA.- PUBLICIDADE

A entidade beneficiaria do presente convenio consente expresamente o tratamento necesario dos datos relevantes deste convenio e a súa publicación no Diario Oficial de Galicia e na páxina web da Consellería de Economía, Emprego e Industria, coas excepcións previstas no artigo 15.2º d) da Lei 9/2007, do 13 de xuño, de subvencións de Galicia.

Do mesmo xeito, de acordo co establecido na disposición adicional primeira do Decreto 132/2006, do 27 de xullo, de creación dos rexistros de axudas, subvencións e convenios e de sancións da Xunta de Galicia, consenten expresamente a inclusión e publicidade dos datos relevantes referidos, no devandito rexistro.

DÉCIMO SEGUNDA.- COMISIÓN DE SEGUIMIENTO

Para garantir a correcta execución e seguimento do pactado neste Convenio, constituirase unha Comisión de Seguimento e Coordinación integrada por un representante da Dirección Xeral de Enerxía e Minas, que actuará como presidente, e un representante da entidade beneficiaria, designados a tal efecto por cada parte.

Son funcións da Comisión de Seguimento e Coordinación as seguintes:

1. Realizar o seguimento das actuacións do Convenio.
2. Propor solucións aos conflitos que puideran xurdir na aplicación e interpretación das cláusulas do convenio.
3. As que sexan precisas para garantir a correcta execución do convenio.

A Comisión reunirse as veces que sexan precisas á solicitude de calquera das partes asinantes.

Esta Comisión rexerase en canto a súa constitución, funcionamento e adopción de acordos pola normativa vixente en materia de órganos colexiados regulada na sección 3ª do capítulo primeiro do Título I da Lei 16/2010, do 17 de decembro, de organización e funcionamento da Administración Xeral e do sector público autonómico de Galicia.



DÉCIMO TERCEIRA.- CONFIDENCIALIDADE

O beneficiario comprométese a manter a confidencialidade de toda a información facilitada que teña dito carácter.

Cando o beneficiario desexe utilizar algún dato que teña carácter de confidencial para a súa publicación ou difusión, deberá solicitar a autorización da Consellería.

DÉCIMO CUARTA.- RELACIÓN CONTRACTUAL

A subscrición do presente convenio non leva consigo relación laboral, contractual ou de calquera outro tipo entre os profesionais que vaian desenvolver as actividades a desenvolver no presente convenio e a Xunta de Galicia, de maneira que non se lle poderá esixir responsabilidade algunha, nin directa nin subsidiaria, polos actos ou feitos acaecidos no desenvolvemento do mesmo.

DÉCIMO QUINTA.- PERDA DO DEREITO AO COBRO E REINTEGRO DA AXUDA.

1. Producirase a perda do dereito ao cobro da axuda ou, no seu caso, procederá o reintegro da mesma cos intereses correspondentes, nos supostos e termos establecidos no artigo 33 da Lei 9/2007, do 13 de xuño de subvencións de Galicia.

2. O reintegro das axudas rexerase polo establecido no Título II da Lei de subvencións de Galicia e no Título V do Regulamento da devandita Lei.

3. Na gradación dos posibles incumprimentos que determinen a perda do dereito ao cobro ou o reintegro das axudas, teranse en conta os seguintes criterios:

a) Cando o cumprimento polo beneficiario se aproxime de modo significativo ao cumprimento total e se acredite por este unha actuación inequivocamente tendente á satisfacción dos seus compromisos, a cantidade a reintegrar virá determinada pola aplicación dos seguintes criterios de proporcionalidade:

1.º O incumprimento dos obxectivos parciais ou actividades concretas da actuación levará a devolución daquela parte da axuda destinada ás mesmas.

2.º A realización de gastos fora do prazo de execución, suporá a devolución das cantidades investidas fora de prazo.

3.º A non presentación das correspondentes xustificacións, de acordo co establecido nas cláusulas do presente convenio, levará a devolución das cantidades percibidas e non xustificadas, logo do requirimento establecido no punto 2, artigo 45 do Regulamento da Lei 9/2007, de 13 de xuño de subvencións de Galicia.

b) O incumprimento total e manifesto dos obxectivos establecidos no presente convenio será causa de reintegro total da axuda.



DÉCIMO SEXTA.- RESOLUCIÓN

Serán causas de resolución do presente convenio, procedendo ao reintegro, total ou parcial, da axuda percibida e dos xuros de demora correspondente dende o momento do pagamento de toda a subvención ata a data na que se acorde a procedencia do reintegro, as determinadas no artigo 33 da Lei 9/2007, do 13 de xuño.

En especial, son causas de resolución do presente convenio as seguintes:

- a desviación dos fondos outorgados para outra finalidade distinta da sinalada neste convenio.
- incumprimento da obriga da xustificación do investimento realizado.
- incumprimento de calquera outra das cláusulas establecidas no mesmo.
- transcurso do tempo estipulado sen que se desenvolva o mesmo.
- acordo mutuo das partes.

DÉCIMO SÉTIMA.- NATUREZA E RESOLUCIÓN DE CONFLITOS

O presente convenio ten carácter administrativo. Correspóndelle ao conselleiro de Economía, Emprego e Industria a interpretación do mesmo e a resolución das dúbidas que xurdan sobre o seu cumprimento, sendo os acordos tomados neste sentido inmediatamente executivos. As posibles cuestións litixiosas serán de coñecemento e competencia da orde xurisdiccional contencioso-administrativa de conformidade coa lei reguladora de dita xurisdición.

DÉCIMO OITAVA.- SUPLETORIEDADE

O presente convenio queda excluído do ámbito de aplicación da Lei 9/2017, de 8 de novembro, de Contratos do Sector Público, sen prexuízo da aplicación dos principios do devandito texto legal para resolver as dúbidas e lagoas que puideran presentarse.

O presente convenio rexerase polas súas propias cláusulas e en todo o non recollido nelas aplicase o disposto para esta materia na Lei 9/2007, do 13 de xuño, de subvencións de Galicia e demais normas de dereito administrativo.

Tendo lido o presente convenio e, en proba de conformidade, asíñase por todas as partes no lugar e data ao principio indicados.

Pola Consellería de Economía,
Emprego e Industria

Por ASGOCA

Francisco Conde López

....



XUNTA DE GALICIA

CONSELLERÍA DE ECONOMÍA,
EMPREGO E INDUSTRIA
Dirección Xeral de Enerxía e Minas

Edificio Advo. San
Caetano,s/n
bloque 5 – 4ª planta
15781 Santiago de
Compostela

ANEXO I MODELO DE CONTA XUSTIFICATIVA CON APORTACIÓN DE XUSTIFICANTES DE GASTO

CONTA XUSTIFICATIVA DA APLICACIÓN DOS FONDOS CONCEDIDOS AO ABEIRO DO CONVENIO DE COLABORACIÓN ENTRE A CONSELLERÍA DE ECONOMÍA, EMPREGO E INDUSTRIA E A ASOCIACIÓN GALLEGA DE ORGANISMOS DE CONTROL AUTORIZADOS “ASGOCA” PARA O DESENVOLVEMENTO DUNHA CAMPAÑA DE DIFUSIÓN E CONCIENCIACIÓN SOBRE SEGURIDADE INDUSTRIAL EN GALICIA.

D....., con CIF, en calidade de de ASGOCA, beneficiaria do Convenio de Colaboración coa Consellería de Economía, Emprego e Industria citado por un importe de 40.000,00 €, declara baixo a súa responsabilidade haber realizado un gasto por importe de€ e, en cumprimento do disposto no artigo 11.1.b), en relación co artigo 28.2 da Lei de subvencións de Galicia, rindo ante dita Consellería conta xustificativa do gasto realizado composto por unha Memoria de Actuación e unha Memoria Económica xustificativa do custo das actividades realizadas, xunto cos documentos regulamentarios que a integran.

En....., a de de 2019